

p. 739 L. 4【迦毘羅城空】《大般涅槃經》卷 26〈10 光明遍照高貴德王菩薩品〉：「菩薩摩訶薩修大涅槃，於一切法悉無所見。若有見者，不見佛性，不能修習般若波羅蜜，不得入於大般涅槃，是故菩薩見一切法性無所有。善男子！菩薩不但因見三昧而見空也，般若波羅蜜亦空，禪波羅蜜亦空，毘梨耶波羅蜜亦空，羸提波羅蜜亦空，尸波羅蜜亦空，檀波羅蜜亦空，色亦空、眼亦空、識亦空，如來亦空、**大般涅槃亦空**，是故菩薩見一切法皆悉是空。是故我在**迦毘羅城**告阿難言：『汝莫愁惱悲泣啼哭。』阿難即言：『如來世尊！我今眷屬悉皆死喪，云何當得不愁啼耶？如來與我俱生此城，俱同釋種，親戚眷屬，云何如來獨不愁惱，光顏更顯？』善男子！我復告言：『阿難！**汝見迦毘羅城真實而有，我見空寂，悉無所有**。汝見釋種悉是親戚，我修空故悉無所見。以是因緣，汝生愁苦，我身容顏益更光顯。』諸佛菩薩修習如是空三昧故，不生愁惱，是名菩薩修大涅槃微妙經典，成就具足第九功德。」(T12,p.521,b11-29)《阿毘曇毘婆沙論》卷 46〈2 使捷度〉：「愚癡琉璃王殺害諸釋。爾時阿難。將一比丘入迦毘羅城。此城本時如諸天城。當是之時。其猶丘塚。所有樓觀。却敵睥睨。種種窓牖。皆悉毀壞。清泉諸池。悉皆燒濁。鴻雁鴛鴦孔雀鸚鵡鸚翅羅鳥。為烟火逼。皆飛翔虛空。諸小男女。皆啼哭逐阿難後。作如是言：大德阿難。我母命過。我父命過。我父母命過。爾時長老阿難。復至修迦羅。處梵志精舍。愚癡琉璃王於其處埋迦毘羅諸釋。半身在於地中。以鐵末末之。殺七萬七千賢聖。爾時阿難見是事已。極生愁惱。次復世尊諸根無異。其心安住。不動如山。善御其心。如持油鉢。制伏五根。如馬正視。入迦毘羅城。爾時長老阿難觀世尊面顏色和悅。見已作是念。如我親族離別。生處毀壞。世尊不爾。我今苦惱。而世尊心不動如山。爾時世尊知阿難所念。而告之言。我多住空三昧故。汝心住村落想。我住阿蘭若想。汝住親族想處。我住凡人想。汝作眾生想處。我作滿足法想。」(T28,p.349,b27-c17)

p. 739 L. 4【佛性離二邊即中道】《十二門論疏》卷 1：「明**實相**則具萬德。對虛妄故，名之為實。用之為身，目為**法身**。諸佛以此為性，稱為**佛性**。遠離二邊，名為**中道**。照無不淨，目為**般若**。累無不寂，稱為**涅槃**。故但明實相即萬義皆圓。」(T42,p.177,a19-23)

p. 739 L. 6【圓融不四之四】《觀音玄義記》卷3：「圓教者，真善妙有及畢竟空，雙遮雙照，名豈異前？但以別人不知三諦體是三德，不縱不橫，一一互具，以此三諦而為四門。失此意故，隨門各解，名有四之四。今圓得旨，乃於彼四融即而觀，故得名為不四之四。雖立行位，皆不思議。」(T34,p.913c10-15)

p. 739 L. 8【能通所通皆實】《觀音玄義記》卷3：「偏真為權，中道為實。前之二教，能詮能觀，共十六門；所詮所證，但在偏真，故皆是權。別教教道，能詮能觀皆次故權，見所詮理及所證地，同圓故實。圓教教觀，能詮所詮、能行所到，始終俱圓，故皆是實。」(T34,p.913c16-20)《妙法蓮華經》卷4〈法師品10〉：「此經開方便門，示真實相。」(T09,p.31,c16-17)《十二門論疏》卷1：「此不二二。分境智為二。故說實相為所通達。般若為能通達。然實未曾能所。亦非境智。」(T42,p.182,b1-3)《十不二門指要鈔詳解》卷1：「實相不二，當體虛通，故名為門。如淨名不二門，華嚴法界門等。」(X56,p.413,b9-10)無礙名虛，無壅曰通；故得全體成能通門。

p. 739 L. -6【雙照二諦、普門】《妙法蓮華經文句》卷10〈釋觀世音菩薩普門品〉：「門者，從假入空，空通而假壅；從空入假，假通而空壅；偏通則非普，壅故非門；中道非空非假，正通實相，雙照二諦，故名普，正通故名門。普門圓通，義則無量，略舉其十類則可知。」(T34,p.145,c24-28)《觀音玄義記》卷3：「大師妙解。盡理而窮。見一一門具四門義。如向所引。生死涅槃。二既即中。中亦即二。中即生死。名妙有門。中即涅槃。名妙空門。二即中道。中必遮照。雙照是第三門。雙遮即第四門。雖於一門約義開四。此四皆悉攝法遍周。俱得名普。餘三十門既皆融二。而歸不二。各四宛然。文殊以言顯於無言。淨名以默彰於無說。蓋示三諦體是祕藏。本絕言詮。既示三諦。豈非四門。復由向者三十一菩薩。皆從無說顯示四門。門門妙絕。不可言思。得意之機。隨其所聞。忘言而證。其失意者猶謂有說。莫契無生。故二大士以言以默。顯乎四門離言說相。則使彼彼四門之機。各於其門。忘言趣理。須了無說被四門機。其功最大。故諸菩薩雖各興言。不談一字。淨名杜口。廣說四門。是則說時常默。默時常說。若不爾者。何故備舉三十三門。而言皆有四門義邪。非旋總持。莫窮斯旨。細尋之說。其致甚深。」(T34,p.914,a27-b15)

中=生死→妙有門。
 中=涅槃→妙空門。
 中=雙照→亦有亦空，第三門。
 中=雙遮→非有非空，第四門。

} 普門

p. 739 L. -4【十普門】菩薩以圓融中道之妙觀，以此十門，通入常住之際理地。

- (1) **慈悲普**，眾生緣、法緣、無緣之三慈中，僅無緣之慈悲與實相同體，普遍一切，任運相應，故以無緣為慈悲普。
- (2) **弘誓普**，無作四諦能收一切法，故依之發弘誓，名弘誓普。
- (3) **修行普**，依次第而行五行（聖、梵、天、嬰兒、病）謂之不普；若不依次第而行，一行即如來行，謂之普。
- (4) **斷惑普**，用一切智、道種智斷四住及塵沙之惑，如切枝條；若以一切種智斷無明除五住，則如除根本，故謂之普。
- (5) **入法門普**，二乘能了別諸地之定有淺深差別，僅中道王三昧不起滅定，含攝一切之三昧，故指入中道王三昧為入法門普。
- (6) **神通普**，羅漢、辟支佛之神通，其緣境偏狹；若緣實相而修，方為真神通，一發則一切發，故謂之普。
- (7) **方便普**，證悟實道以前之方便不謂之普，僅自證實道以後化用之方便能逗機利物，一時圓遍，故謂之普。
- (8) **說法普**，能以一妙音應十法界之機，隨其宜而令得解脫。
- (9) **成就眾生普**，無量之眾生遍滿十方之法界，時時能潤益之。
- (10) **供養諸佛普**，能以一切供具身命財，普遍供養十方諸佛。

此即中道實相之理遍通一切，無所壅塞，故諸佛菩薩乘此理，能開無量門，示現種種身，以拔一切眾生苦，成就菩提。初五普為自行，次三普為化他，後二普兼自行、化他兩意。～《佛光大辭典》

p. 739 L. -2【皆約修行福德莊嚴】《觀音玄義記》卷3：「十雙通釋。既以十雙釋觀音人，即以十雙釋普門法，故云『通途已約法竟』。今之十門，於二嚴中，就福德論因果、自他。莊嚴法身。然是性德之行，還嚴於性。能所本亡，即非莊嚴莊嚴也。」(T34,p.914c11-15)